

黛韻樓遺集

貴筑姚華題



08178

原名小黛軒詩集

陳孝女遺集

于君彥敬題



叙

薛恭人亡四十日吾女淑宜殉之越一月武昌難作到處  
騷然都城戒嚴達官皆走避余以雙櫓在停空囊如洗兒  
女又孱弱艱于攜持乃矯情鎮靜令葭女爲其姊編輯遺  
稿入正將成忽礮聲四起火光熊熊拉雜喧嘩擾成一片  
蓋暴兵乘機影掠也葭女以稿束身吹燈伏坐空地急則  
踰垣向隔院空圍以避天明聞某家遭劫某家被焚所失  
皆不貲余所居陋巷又以貧著幸勉及難既而葭女編成  
因系以言曰吾女少時從其舅氏伯垂同年讀四子五經  
雖聰穎善記誦無異常兒十三歲隨薛恭人出滬適余友

陳孝女遺集

叙

陳右箴至因聘爲兒女師右箴固善詩女自是始學詩右  
箴常爲余誦女句余惟唯私衷以爲右箴有所改易者  
迨十五歲隨余在甬恭人生幼子瑩產後失調養成癆症  
醫言須置家計寬懷靜攝或可多延歲月女聞之以家事  
爲已任綴學治薪米并撫抱幼弟如成人焉恭人心爲之  
安余亦色爲之喜是年冬右箴解館歸女得間以詩就證  
余余始信右箴言不謬且其用意用筆恒步趨恭人間有  
稚辱者則年齡學力未至耳顧又思難爲其婿者偶有所  
相探女意必不可叩之急則曰兒寧事母弗知其他庚戌  
冬恭人疾急忽思編女文施列傳余言非旦夕功恭人憤

曰吾卽死淑宜尙可繼吾緒女由是作論詩詩晝夜誦于  
恭人前或與妹論難爲戲博恭人歡及春女貌憔悴恭人  
已起坐余意差慰不意恭人厄于夏閏而女卽卒于秋初  
也昔葉紹袁妻女旣卒明社遂屋成買愁一集末著恨書  
託言幽渺余才粗弗敢竊比第以女詩與瓊章相較有目  
者自能知之余以是集附于恭人黛韻樓集後亦猶返生  
香之附午夢堂也嗟夫死生存亡之感人之恒情況在倫  
常之內乎回憶去年六月以前恭人雖病入瘵瘵女猶宛  
轉誦詩于藥爐茗椀間一家嗃嗃薄宦雖貧亦復樂甚迄  
今曾幾何時竟同隔世並吾之身亦不知其爲死爲生爲

陳孝文遺集

叙

二

存爲亡也壬子春二月壽彭逸儒叙于都門

長女芸傳畧

文王命人女歸天德晉曰以血爲食或說

長女芸字芸仙號淑宜薛恭人出也恭人有娠時佐余營  
書窟將晚之夕夢遊烏石山遇女子雲鬟長袖與一莖草  
如艾曰芸也可辟蠹翌日向夕女生故以芸名五歲延師  
課之讀尤聰穎善記誦酷愛書籍得書閱一兩遍卽能默  
誦不遺一字且皮疊井井余常以司書戲呼之丁酉春余  
謀攜眷女隨恭人出滬始學爲詩頗有佳句明年入甬已  
亥秋恭人產幼子觸發血疾成癆瘵女遂廢學治家事且  
抱撫幼弟恭人由是得寬心調攝女得間仍自讀書夜臥  
或帷燈達旦無倦容以故尤熟史事恭人有作文字於掌

陳孝女遺集

傳畧

一

故或有遺忘問女女能檢書以證無差訛偶得詩恒請政  
於余余細按之蓋學其母而氣薄筆微弱耳乙己恭人攜  
子女會余于金陵恭人病益深血枯肝熾恒燥急且素性  
好潔不近婢媪僮僕至是惡益甚謂其有一股濁氣觸之  
能嘔頓女體母意凡湯藥烹飪事事皆躬親余心恤之欲  
急爲擇婿使探女意女泣曰願事母弗忍離自是有所議  
女輒梗焉丁未余自粵攜眷入都恭人因北地嚴冬嗽喘  
加劇女朝夜奉侍衣不解帶丙戌冬恭人病勢益增女奉  
侍益謹便溺扶抱滌器澣衣皆自爲之遂枯槁羸瘠六月  
杪恭人病殆女于念八夜顛天割臂引刀血湧爲幼弟窺

見驚駭而呼余急起視幸創淺敷以象糞而痂閏六月朔  
恭人疾終京寓女哀泣成肝風疾瘦損益甚猶能襄理喪  
事悉中禮七月十一日女以恭人六七之辰自製紙衣冥  
鏹哭恭人之靈于殯所晚歸猶向余稟陳家事言弟妹未  
婚母櫬未歸則墜淚余以婉言慰之夜深分寢翌晨弟妹  
呼女不應視之則肝風已發痰壅不得下中外醫藥並進  
加以針灸俱無效至已刻而殞余初入都時借寓力同年  
軒舉醫隱園中恭人已病恒拉軒舉醫軒舉見女事恭人  
謹盛稱之女旣以哀毀卒軒舉遂率同鄉之宦于都中者  
呈訴都察院請以孝女 旌詞旣入武昌事起天下騷然  
當事者急于用兵籌餉此事遂闕于民政部然女之事母  
前後十二年無須臾缺疾篤則割臂及則毀身女之孝思  
固已無憾矣女旣嗜書尤好清朝閨秀集余知其意設法  
購置或爲借抄十餘年來計得數百種女皆寶之如珠玉  
常于恭人前誦各家佳句恭人聞之喜至忘病丙戌恭人  
忽欲著女文苑列傳力疾操觚令女檢書以伺僅成百餘  
篇而絕筆女欲博恭人歡乃做滄洋論詩絕句專紀閨秀  
名集成論詩詩二百餘首有清一代閨閣著作十羅八九  
雖急就章弗及女文苑之詳盡而爲清朝女詩史之目亦  
云善矣又存有小黛軒詩百餘首詞三十餘闋其稿楮葉



附錄呈文

農工商部郎中力鈞法制院參議林炳章內閣承宣  
廳辦事翰林院編修黃彥鴻掌河南道監察御史葉  
芾棠記名御史周登曝郵傳部郎中何啟椿王世澂  
典禮院員外郎陳棟前郵傳部員外郎方兆鼇鄭誠  
叙官局行走主事陳震學部主事陳衍周景濤陸軍  
部主事丁震郵傳部主事王鴻斌林蔚章陳宗蕃郭  
則洵黃永筠陳光燮汪涵川方汾玉宋眞陳遵統郵  
傳部七品小京官鄭鴻謀張國鈞林先民林星賡黃  
濬五城學堂教習林紆等呈爲賢女純孝例宜

陳孝女遺集

呈文

一

旌表恭請代

奏事竊以愛親雖家庭之庸行而旌善實風化所攸關  
是以浣紗有祠宇之傳搏虎見門閭之式鄉名孝女  
唐捐戶稅以旌冢號小娘明誌銅坑之葬蓋女行果  
完於閨闈孝思實繫於綱常已查有孝女陳芸福建  
侯官縣人郵傳部主事陳壽彭之長女生而明慧幼  
習詩書母薛氏嚴於母教授以閨箴女皆有所領悟  
毛裏之傳旣根乎天性梧楸之感久出其至誠己亥  
女年十五歲其母在甬生幼子產後得癆瘵疾女代  
理家事兼撫幼弟榜物掛壁曾聞任臣之家抱弟聽

經奚翅賈達之姊既而母病益深入冬則喘女躬奉湯藥跣步不離丁未父應調入都母因北地嚴寒喘嗽加劇女侍奉愈謹時切隱憂本年五月母病成痼扶抱更衣皆女爲之晨昏滌器無殊石建澣衣體察病情幾等黔婁嘗糞六月杪母疾篤女密於二十八夜籲天割臂奏刀血湧幼弟驚呼女顏色不變閏六月初一日母歿痛哭絕食經衆苦勸始勉進餽粥從此日見毀瘠殆不勝喪七月十一日自製紙衣冥鏹哭母於殯所暮歸猶悲泣不止翌晨弟妹呼女不應視之則以毀卒矣佩任死孝具有性天女勝傷生本

陳孝女遺集

呈文

二

乎哀慟女年二十七歲猶未字人蓋屢次論婚輒阻成議問之則以母病爲辭嬰兒子瑱環不嫁名重鄰邦黎道娘紡績幽居情深將母母病凡十二年女侍奉無須臾缺癆瘵之症得以久延者實女之力也鈞等原同梓里或有孳親見聞既真公論無間欲發幽光於潛德用臚事實以上陳惟該孝女哭母毀身係隨侍在京之事未便轉向本籍地方官呈請

旌表致多周折謹取具同鄉官印結呈報理合聲明伏乞臺長大人俯察細情維持女教封章入

告布

朝廷體恤之恩孝行得

旌實風俗轉移之路微特歿者感荷

仁施而生者亦當贊揚

惠政矣謹呈

陳孝女遺集

呈文

三

惠施矣謹呈

二賦而事善於當世

其資風俗轉移之路微特歿者感荷

仁施而生者亦當贊揚

陳孝女遺像



陳孝女遺集目錄

文華山

謝

詩

賦

卷上

叙

傳畧 封二首

呈文 樂二首

目錄

擬古 蘇氏詩

閨銘

秋風辭

篋篋引

陳孝女遺集

目錄

結客少年場行

女貞木歌

秋蘭篇

採菱曲二首

子夜四時歌四首

陽春曲

春江花月夜

東飛伯勞歌

烏夜啼

步虛引

破陣樂二首

桂花曲

楊柳枝二首

五古

讀史用陶隱居貧士韻五首

隨家慈觀文筆山

隨

伯舅

姨母登烏石

山

寄家嚴上海

莫愁湖

隨兩大人謁孝陵

題汪小韞自然好學齋集

隨家慈登粵秀山

寄姨母

隨家慈觀十刹海荷花

題徐小淑絡緯集

題沈宛君伊人思集

家慈命題畫幅四首

卷下

七古

春閨月

紀夢

隨兩大人伯舅遊月湖

陳孝女遺集目錄

代家慈題畫八首

隨兩大人遊雞鳴寺觀臺城舊址

金陵別槎班兩姊

寄張朱表姊

珠江曲

隨兩大人遊法源寺觀牡丹

題徐湘蘋拙政園詞集

讀邢慈靜夫人黔塗畧題後

題吳芝瑛書楞嚴經後

隨兩大人江亭觀落葉

排律

四伯父命題改七鄰畫西子浣紗圖

暮秋偕弟妹聯句

花朝日偕莊妹遊萬牲園用光威哀韻

五律

兩大人五十雙慶

端午

絡緯

隨 兩大人龍華寺觀桃花

薔薇

兩大人戲月戲園戲登臨詩呈 伯舅

隨 家慈 姨母宴蒙泉山館

雨花臺

羊城食荔枝作

醫隱園偕莊妹玩月口占

再過萬牲園用杜工部重遊何將軍山林韻五首

陳孝女遺集

目錄

三

雪

代 家慈題畫一首

隨 兩大人登居庸關

七律

暮春

落花二首

隨 兩大人遊月湖謁賀監祠作呈 伯舅

秋柳

歸里呈 姨母

山茶

秦淮聞歌

壽 兩大人五十雙慶

粵城新春水仙菊花海棠牡丹並開梅花轉成零落

戲紀一詩

都中寄 姨母

花塚

紫丁香四首

都中懷古五首

五絕

新月

題尋梅圖

義婦塚

孝子祠

觀織

聞雁

清涼山晚眺二首

桂花髻圍

香港

光孝寺

天津

隨 兩大人聽王玉峰三絃口占呈 家嚴

陳孝文遺集 目錄

四

入夜

七絕

秋光

蟋蟀

天封塔

天一閣

婉槎班諸姊招余偕葭妹宴虹口徐園席上偶占

病瘡

病愈聞 姨母論女事作四首

新燕

濤圖

金陵車中望鐘山殘雪

槎班兩姊招遊吳園觀牡丹

上海七夕會偶作

寄姨母

海中觀日

人日隨 兩大人遊花球

荔枝灣呈 家慈二首

上海

天津旌邸題壁

隨 兩大人遊天寧寺

寄班姊金陵二首

賓宴樓觀珠寶口占呈

家大人

地安門望煤山有感

朔雪

種菜

槐樹詩序

詩餘

十六字令 蘭

一點紅

陳孝文遺集 目錄

五

憶江南 家大人食西施舌命賦

調笑令 雨後見月

藉前調新柳

如夢令 花落

醉太平 春夜聽雨

醉花茵 題醉臥花茵圖

浣溪沙 淮秦

前調 羊城

卜算子 除海

菩薩蠻 將由海上赴粵寄槎班兩姊

前調 香港

前調 初夏

憶秦娥 海中觀日出

前調 題陳王烈婦墜樓事畧後

醉花陰 用漱玉韻

鷓鴣天 寄姨母

臨江仙 義塚

鵲橋仙 七夕

蝶戀花 掃葉樓題壁

蘇幕遮 梅

喝火令 閨花朝

碧牡丹 有序

滿江紅 舟中望金焦二山

紅情 借菰妹遊萬

齊天樂 春寒

行香子 後湖

柳腰輕 新柳

前調 隨兩大人登陶然亭

念奴嬌 爐火

邁陂塘 聽唱桃花扇傳奇

陳孝女遺集

目錄

寶天樂

珠和

燕玉

翠華

劇火令

行香子

柳腰輕

前調

念奴嬌

邁陂塘

陳孝女遺集卷上 原名小黛軒集

道山女子陳芸淑宜

擬古

閨銘

女德無儀內言限闕屋漏在上明鏡在側蹈順履貞抱一

為式

擬西王母吟即用原韻

塵埃下土世民之所熙熙穰穰爰居爰處窮通壽夭惟天

玉女道即性善惟天錫子保厥初孩其樂回翔桃樹又花

陳孝女遺集 卷上

企子之望

秋風辭

秋風起兮草木黃日苦短兮夜苦長閒織素兮燈微光蟋

蟀鳴兮月凝霜嗟女子兮蘭蕙芳念一人兮鬢髮蒼矧萱

草兮病在床願安得兮不老方奠枕席兮壽而康羌宛轉

兮心憂傷雁聲墜兮雞聲荒投梭起兮神汪汪

擬古四首

行行重行行刺舟出吳越初離海上山倏見海邊月人生

若浮萍萬里一飄忽白雲逐風飛去去何時歇安得歸故

園蓴鱸慶怡悅

庭中有奇樹，佶屈無直枝。工師巧繩墨，規矩將安施。屏棄不可用，連抱森離披。拙者得天厚，不知歲月移。迴車駕言邁，崎嶇道阻長。吾行殊未已，輾轉生傍徨。白日易西匿，前路猶茫茫。春風鬧桃李，松菊凌雪霜。百年能幾何，且傾手中觴。腐草化螢火，熠熠爭輝光。明月何皎皎，照我綠窗前。秋花扶瘦影，掩映而流連。揮毫習圖畫，無奈風回旋。人事易變幻，刻意多不全。是以談元士，服食希延年。

箜篌引

置酒高堂上，花光拂繡茵。雞豚雜棗栗，擣漬稱八珍。我欲

陳孝友遺集

卷上

二

彈箜篌，歡歌娛雙親。人生貴行樂，行樂存天真。蒙莊古得道，窮通悟其因。託乎逍遙遊，心志無弗伸。明哲習秘旨，延年以保身。果得錢鏗壽，奚憂原憲貧。

晉圖書昭君怨

蛾眉馬上行，琵琶作胡語。朔風吹塵沙，萬里思鄉土。毳帳夜生寒，關月對淒楚。歸夢到漢宮，昭陽尙歌舞。烏啼輪臺曉，前旌響笳鼓。誰知遠嫁情，悲酸惻肺腑。

結客少年場行

少年尙意氣，遊學爭豪奢。揮手千金劍，行蹤七寶車。王侯欣薦鶻，文字薄塗鴉。超拔人情外，何堪盼作家。

女貞木歌

枯井寒無波女貞冬有葉傲幹凌雪霜丹心鬱金鐵結實

縱纍纍鳳凰不敢咽

秋蘭篇

蘭草出瀟湘不爲時世粧幽居空谷裏秋來聞妙香

標雅操紉佩在衣裳三復離騷意子情亦信芳

采菱曲三首

采菱莫采蓮采蓮還心苦但采菱花來對鏡照今古

莫恨菱無根祗怪菱有絲有絲多牽絆無根自支持

菱角出水尖不作刺傷手兩可莫模稜廉隅幸獨守

陳孝女遺集

子夜四時歌四首

春曉啼鷓鴣鈎蘄復格磔鸚鵡樊籠中比汝尤饒舌

梧桐夏日陰婆娑響枝葉一朝西風來零落如蝴蝶

蟋蟀秋階冷對月聲絮絮月裏有蟾蜍禁寒更誰語

後凋羨松柏傲幹凌風霜究莫若梅花雪裏饒清香

陽春曲

春風楊柳織金縷曾幾何時忽爲絮隨波又化浮萍去浮

萍去漂無跡望春月遙天碧

春江花月夜

春江潮水通秦淮沙邱人去何時來王氣銷沉六代夢瓊

花壁月成塵埃隋家二世不更事龍舟百幅錦帆開雷塘  
螢火黯故苑玉鈎魂魄悲夜臺龍蹠虎踞猶突兀依舊春  
江花照月遊船如鱗鬧歌舞美人顏色同玫瑰美人那識  
興亡事庾信空教賦可哀

東飛伯勞歌

伯勞飛飛扶桑東麻姑羅袂揚春風蓬萊遙接廣寒宮世  
人學仙想豐彩爭跨魚龍渡滄海換骨無丹鬢髮改不死  
之藥果何許誤盡童男與童女徐市歸來不能語鑄池君  
應淚如雨

烏夜啼

陳孝女遺集

卷上

四

驚鳥啞啞啼聲急殘月啣魄半邊蝕巢高枝弱風欲搖况  
復茫茫迷夜色畢連既無反哺力自問何能豐羽翼木蘭  
當戶停機織女無所思何所憶

步虛引

雙成雲和飛瓊鼓麻姑清歌嫦娥舞長天碧色碾玻瓈彩  
鳳迎來皇太姥蟠桃醱熟醉靈丹共折瑤花散世間何事  
千年華表鶴股勤猶向子孫看

破陣樂二首

娘子成軍學術新禿襟窄袖小腰身六千君子能興越何  
事吳宮教美人

昭君出塞彈琵琶蔡女入塞拍胡笳新翻軍樂渾不似風  
琴信手調啞啞

桂花曲

八月桂花香味新一株向月有精神河山倒影濤輝裏不  
許吳剛伐作薪

楊柳枝二首

桃葉渡頭柳色青遊人載酒畫船停依稀九曲青溪在三  
妹祠荒久不靈

秦淮楊柳擁棲鴉夾岸紅樓雜酒家辜負女墻舊時月恨  
無人唱後庭花

陳孝女遺集

卷上

五

五古

讀史用陶隱居貧士韻五首

乾坤縱異勢信義原相依人生能自立見道皆春暉女子  
貞順性志無食肉飛如何鍾離春漸臺請謁歸倚柱有慘  
嘯採葛非薦饑區區忠愛事婦子能生悲

譙國起高涼錦繖乘魚軒冀妻與萊婦所樂惟田園出處  
各有適冠蓋同雲煙至誠無息中深造而精研就近能取  
譬毛裏先可言庶幾蹈白刃苟灌李淑賢

謝女漫咏絮蔡女休辨琴女娟鼓楫歌浩然壓雲音大雅  
視小絃相去逾千尋乃知立言體輕重須酌斟尙宮教諸

妹論語世所欽薪傳出女誠選企大家心

崇嘏具才藻利祿不相干木蘭著勲勤婉轉辭郎官浣紗  
不掩筐漂母有餘餐閨闈羨特操機杼非酸寒懷清擁丹  
穴相對殊厚顏毛女告元長洞徹窮通關

西施負薪去兩鬢如飛蓬無鹽入齊宮奚勞刻劃工好醜  
異內質寧論楚兩龔三娥曹龐趙所立偏相同乃知兒女  
子庸行能圓通終之成四德始之在三從

隨 家慈觀文筆山

吾聞萬山中三山成福地一拳立中央文筆饒娥媚遐思  
無諸時數典已不備唐末瑯琊王竊據稱堅利韓偓羅江

陳孝女遺集

卷上

六

東避地擔簦至詩筆此肇端文風遂昌熾明代十子興瘦  
健生瑰異嗣響鄭繼之何李同鼓吹無病竟呻吟究復關  
才思迨及 國朝初閨闈先拔幟所謂光祿派香草傳其  
秘此筆起何年惜乏摩巖記文通夢有花邱遲錦入寐割  
裂縱欲禿豈作班生棄玉尺亦折衡誰是量才器我欲持  
書空寫出簪花字

隨 伯舅 姨母登烏石山

我昔在甬東曾遊聚寶山風濤拍海岸島嶼如煙鬟今日  
歸故鄉心曠神幽閒快然登烏石臨風開笑顏荔陰榕影  
裏蒼碧森岡巒稼穡拓平野雉堞迴彎環天然好圖畫那

復知塵寰回思作客時行路何其艱奚如此棲息景物皆  
故關啞啞蟬吟樹匆匆鳥倦還夕陽抹雙塔金碧成爛斑

寄 家巖上海

阿爺出門後霜風已凜冽我家無田園日食搜衣篋阿母  
舊疾作喘嗽無休歇醫藥既罔效有時或見血女心抱隱  
憂難和他人說弟妹喜讀書文筆頗澄澈幼弟纔能行撫  
視未敢缺今也近歲除薪米殆將竭女愧拙機杼何以圖  
施設夜闌對苦月萬緒未由決爺行本苦辛海上况多雪  
願爺得安康著述請刪節多寫數行書冀慰母心悅

莫愁湖

陳孝女遺集

卷上

七

山色蘇芳草春水綠半湖昨宵新雨歇柳色猶模糊莫愁  
渺何處花氣襲菰蒲玳瑁鬱金堂燕子歸來乎

兩大人講孝陵

獨夫壓黃金留此蟠龍勢六朝王氣終明祖起紹繼詎意  
金川門南都僅二世榆木魂不歸陵寢付守衛迄今五百  
年誰將麥飯祭石馬荆棘中銅駝同一例殿基敗草生禿  
樹枯籐繫玉魚與金蠶差幸尙幽閉翁仲倘有知無淚爲  
流涕我聞昌平州十三陵附麗免得移冬青足見 聖朝  
惠回望鐵甕城不知幾興廢怪禽林際啼聲聲奈何帝

題汪小韞自然好學齋集

昔人論詩才讀書多窮理體物瀏亮中遂合風人旨我讀  
好學齋悠然感興起杜陵詩律細古風尙神髓七律至晚  
唐玉溪擅其美何必高青邱方能誇盛軌期選三十家沾  
沾竟自喜別裁列朝集所差究無幾吾閩祇數家却遺少  
谷子玉尺量婉兒挂漏豈若此而翁遊秣陵刻意擬詩史  
碧城仙館作大半參羅綺授受有淵源圖遠而舍邇嗣而  
混釋道飄渺虛無裏香閨才藻鮮空山見蘭芷鏗鏘金石  
聲一洗箏琶耳况有豔與香非若閒桃李臨風細咀詠瓊  
液漱芳齒西湖山水佳私衷遙仰止

陳孝女遺集

卷上

八

吾閩有越山入粵見粵秀列岫鬱青蒼萬井錯文繡風急  
蟬聲高林密斜陽瘦不知何寺鐘荔子陰中扣

寄姨母

三載別慈顏方知行路難山川遍吳粵又復歷燕關燕關

風雪冷夜坐燈無影爐火凝不溫水花滯衾枕慈親觸舊  
疾喘嗽連宵急嚴親勞簿書退直始休息女也非男子無  
計奉甘旨欲博雙親歡惟速歸故里父言家無田母言命  
在天幾諫在敬事晝夜心憂煎昨日得手書譽子女相如  
女思女子事文翰原緒餘弟妹俱聰敏得句尤新穎年少  
見天真尙未知愁警舅氏既遠行遙入五羊城交臂竟相

失惆悵渭陽情  
友于敝篋裏  
檢得鸞紋綺  
願爲長者壽  
製成雙文履  
朔雁去徘徊  
題緘遠寄回  
春風冰泮日  
或有德音來

隨家慈觀十刹海荷花

北地多胭脂  
紅粧鬪羅綺  
芙蓉亦豔冶  
共立一泓水  
恰如濯錦江  
湫澹斜陽裏  
柳陰立馬看  
惜之菱歌起  
我想露筋祠  
野風香獨美

題徐小淑絡緯集

詩風至明代  
疏野多苦澀  
何李縱復古  
呻吟病呼吸  
况出閨閫才  
不甘嚼餘拾  
絡緯入秋吟  
似歌復似泣  
長吉嘔心陳孝女遺集卷上九

肝絕幽鑿險  
入月黑鳥驚  
棲霜深龍欲  
蟄競病與尖  
又韻語聊相襲  
幸有陸卿子  
元芝纂成集  
寒山草木寒  
相對雙峰立

題沈宛君伊人思集

春風拂地來  
百花俱吐萼  
香色縱各異  
收聚亦珍博  
况是同時開  
綺交而繡錯  
組織擇珠璣  
列入篋中囊  
宛若五侯鯖  
豈復一邱貉  
秋水望蒹葭  
伊人近簾箔  
盈盈卅六家  
俱出名閨作  
選佛旣登場  
羣仙欣有託  
鸚吹午夢堂  
清思亦不弱  
掌上三珠樹  
瓊章尤綽約  
無柰返生香  
一瞬曇花落  
抱璞朝玉眞  
鞭起瑤臺鶴  
母女皆夙根  
誰謂情緣薄  
可惜

買愁集恨書轉穿鑿

家慈命題畫幅四首

春滿賣花聲韶光幾日晴杏花嬌欲滴燕子自輕盈輕盈  
相對語飛入花深處花底酒旗飄高樓旁畫橋

清露濕芙蓉文鴛睡正濃菱歌何處度猶唱玉玲瓏玲瓏  
聲婉轉喚起蓮心展文鴛飛上天茫茫紫玉煙

莫乘貫月槎月窟香桂花雄雞一呷喔圓月成西斜西邊

清虛府爛却吳剛斧何如搗藥樓自然五德齊

翠羽亂啾啾羅浮月一釣美人清夢醒紅雪滿枝頭枝頭

脂粉潤欲點壽陽鬢青鳥出人間丹成好閉關

陳孝女遺集

卷上

十

陳孝女遺集卷下

原名小  
黛軒集

道山女子陳芸淑宜

七古

春閨月

百花春晚香簾欒鏡奩銀燭光玲瓏姁娥半面露清影雲  
羅搖曳飄東風玉階漏滴虬壺銅露華碎點成籠葱翠恩  
不礙綺紗薄如烟似霧生空濛娟娟靜好照機席翌日春  
暉上檻碧

紀夢

陳孝女遺集

卷下

羅帷香燼蘭膏凍趾離狡獪酣清夢雙鬢鸞地來招我遊  
天台天台桃花三千樹謂我曾經花下住女伴相逢隔洞  
天笑指流泉欲化煙浣紗有石芳草芊芊何以答之心茫  
然下觀滄海愁無邊波濤洶湧龍蜿蜒美人扶我騎龍去  
凌雲飛到蓬萊巔披羅曳縠大羅仙羽衣霞佩相聯翩列  
樽張樂開華筵我轉蹢躅未敢前座中仙姥已華顛祿祗  
下拜相周旋笑道金丹猶未熟遲君高會十二年忽然旬  
旬響鉦鼓鸞鶴爭吟蝴蝶舞眼花目眩意動搖又逐雞聲  
墜塵土擁被追思燈半紅綺窗旭日昇瞳瞳

隨

兩大人

伯舅遊月湖

四明山色煙模糊何若刺舟遊月湖三尺短篷五尺櫓竹  
汀花嶼如畫圖夾岸人家隱樓閣參差叢樹多枌榆逸老  
堂前弔賀監危橋廻合通康衢蓮花菱荇不種植要與漁  
翁閒打魚水光澄碧映霞彩天封塔未夕陽餘棲鴉禿柳  
暮鐘動迷離衰草連平蕪此湖淡樸以質勝况我來遊秋  
暮乎波寒潮靜流源遠湖東月上懸驪珠酒闌歌罷且歸  
去客中如此良歡娛

代 家慈題畫八首

春色闌珊啼蜀魄血痕滴作蓮花赤望帝不歸蜀道難濯  
錦江頭半陳跡五更枝上月如霜如火如荼說杜鵑自是  
陳孝女遺集 卷下 一一

羊車行躑躅教誰花鳥爲平章

藤花香裏歸雙燕紫宸殿上尋常見百尺虬龍縮綰長虎  
頭燕領封侯良金谷若誇步障富閒煞盧家玳瑁梁

泥滑聲聲促誰唱秋霜曲瀟湘兩岸苦竹多剪剪秋英采  
黃菊願爲鄭谷一篇詩豈屑陶潛五斗粟

宣和御筆白鸚鵡畫苑流傳粉本古如何飛上石榴花粉  
膩脂媽益媚斌禰生作賦休牢騷博望載歸同葡萄雪衣  
縱解金經誦血色裘偏製越羅

有雉在山梁木樨生暗香月中一攀折離火明文章金粟  
堆中秋不老雞蟲得失如何好小山招隱有遺編莫與霜

王論陳寶

限餘遊兩載

蓼花風靜日將午珍禽兩兩浴沙渚紅掌踏波刷翠羽水  
國涼生柰何許終朝刺繡蘭皋譜安得金針來度汝  
攜琴試按勾挑指水仙調終別鶴起蓬島迢迢三千里漢  
皋人去洛川濱采得靈芝禮玉眞一聲喚入瑤天去水佩  
雲裳渺何處

羅浮昨夜熟丹砂十里簫聲弄玉家堂上畫屏列金翠紅  
雲絳雪相週遮濼濼珊瑚色况有宮妝客香露空濛中晨  
風懷九德

隨 兩大人遊雞鳴寺觀臺城舊址

陳孝女遺集

卷下

三

景陽鐘動宮鏡明紅妝千騎爭輕盈雞鳴舊埭剩荒寺草  
枯樹秃臨臺城臺城殘磚也零落射雉空亭豈如昨可憐  
芳樂苑中春不見蓮花踏新月玉兒當日能沽酒闕武堂  
前種楊柳張緒風流一旦非采石軍聲動刁斗東府一失  
臺城傾袁粲一死褚淵生蕭家老翁殊狡獪文德御膳難  
容情江潭苑近新林地宮衣小隊弓刀侍又繞臺城射獵  
歸法鼓齊喧同泰寺金樓通史誇著述捨身奚補牧民術  
四十年如春夢中荷荷竟索臺城蜜齊梁陳述暮雲空雉  
堞頽唐夕照中元武湖乾鐘阜冷山花猶發梵王宮

金陵別槎班兩姊

君不見雁橫天一行羽翼相聯翩又不見花在樹同枝跼  
暮相依互奈何姊妹骨肉親弗克頻年共歡聚去年歲暮  
雪初晴我來白下君相迎話及兒時嬉戲專下九初七皆  
詩情世事詎知難料量我復隨親出海上偕飲長江水一  
泓楚尾吳頭兩飄漾人生最苦生別離况爲女子心空悲  
我有雙親君有壻各盡所事難游移須斯勸我一盃酒臨  
別殷勤更攜手勉言珍重各努力不識何時再聚首西風  
吹皺秦淮波石城落木森枝柯看取暮雲起天末此後相  
思誰較多

寄張宋表姊

陳孝女遺集

卷下

四

匆匆復忽忽去吳又入粵千里異風候長天一明月月光  
昨夜伴幽寢夢覺波濤撼繡枕鄉國模糊認未眞喔喔晨  
雞修驚醒與君生少同深閨那識于今兩地睽登樓時望  
關山路北東西意轉迷嚴親奔走謀利祿米鹽生計常  
不足慈闈歲暮病在床弟妹嬌癡闈館粥行路難愁漫漫  
西山斜日寸草寒安得偕君談舊事一燈風雨話團圓

珠江曲

珠江之水生牂牁夜郎兵至亡尉佗花田南漢素馨謝不  
及嚴城有武婆只今風月湧珠石珠兒珠女齊歡歌我來  
侍親坐遊舫瓊樽高酌金叵羅小妹談棋誇角勝阿弟擘

紙爭吟哦客中佳趣訪名蹟骨肉團聚真偷和舉杯稱慶  
高堂壽願如粵秀山峩峩斗南樓對海幢寺江水南下無  
頽波夾岸燈火似圖畫良辰美景樂如何

隨 兩大人遊法源寺觀牡丹

春雲飄飄春星綠唐代琳宮護花木霞光匝地散奇采  
紅姹紫玲瓏玉西子裝成七寶冠楊姬醉舞霓裳曲儀態  
臨風現萬方海棠無色丁香俗

題徐湘蘋拙政園詞集

拙政園裏山茶花迦陵悲憫梅村嗟漱玉晚年縱淪落詞  
才道麗稱名家我思夫人初嫁日上苑人探花第一西湖

陳孝女遺集

卷下

五

粧閣開鏡奩朝市合歡蘸畫筆鼎湖龍去鶴鷗呌夫婿投  
誠據清要蕪城路上霜月高黃金臺畔垂楊笑此時誰爲  
傳貳臣芝麓梅公相見頻遠山詩與橫波畫共是香閨寫  
韻人豪華富貴易消歇遼陽再貶多風雪寫罷觀音血疏  
陳幸得金雞返枯骨從茲懺佛可憐生有媳相隨是女貞  
初集不能磨續調落花到地一無聲吳江楓葉斜陽冷脂  
粉一場春夢醒留此遺編似斷腸平泉花木成泡影

讀邢慈靜夫人點絳脣題後

明網欲墜人心亂承宣莫靖苗莠叛所天旣殞道途難紀  
畧要非逞詞翰荒村有虎江有灘飛雲洞越辰龍關忽忽

頃刻判生死節節險要皆危艱筆鋒淒惻出苦語上疏九天  
天天亦許非非草與蘭雪齋蟲響烏啼愴羈侶來禽書法  
左芬襲詩帖巍然慣金石髮繡觀音奚足奇節義能使懦  
夫立吁嗟乎黔陽龍里通貴筑忠節岡連望夫谷後來詩  
紀溯程途懷古悲歌蔡季玉

題吳芝瑛書楞嚴經後

紅閨春靜佛火青鏡臺人寫楞嚴經遙想正襟擁髻坐淋  
灑揮灑椒蘭馨長槍大戟恐鹵莽銀鈎鐵畫嬌娉菩薩  
低眉迦葉笑詎知織女成文星筆鋒透入三摩地青蓮花  
眼垂娥姪丰姿婀娜氣道勁怒猊渴驥皆精靈桐城文派

陳孝女遺集

卷下

六

溯初祖今將漸滅歸零丁旁行斜上出時尙娑羅異教開  
新剎此書譬如伏生女罄牙盤詰傳芳型織穠疏密了無  
礙十年持戒求天瓶蓬萊鯤女久不作點石特重新宮銘  
化爲阿育王舍利十方供養尊邊劍我從書肆得榻本含  
濡體勢思渺冥悟他一指正法眼墨花香動風冷冷迦陵  
鳥音上乘最何須玉枕鐫蘭亭茂漪傳燈到逸少籠鵝祇  
合書黃庭

隨 兩大人江亭觀落葉

金陵我登掃葉樓暮春木葉皆新柔婆娑清影罩欄檻縛  
帚欲掃古今愁今來燕都愁未已况坐江亭秋色裏落葉

飄飄似雨風陣陣閒愁悉勾起人生金石豈能保白髮青  
絲不待老春深桃李正盛開秋後梧桐委衰草草枯草長  
無消息落葉辭枝卽陳迹何必落花始斷腸藩溷錦茵皆  
可惜哀蟬唱罷夕陽遲又是蕭蕭颯颯時到底繁華總搖  
落西山如黛也愁眉

排律

四伯父命題改七薌畫西子浣紗圖

越地山川秀吳宮花草塲小家如碧玉滅國仗紅裝蘇苑  
新承寵耶溪舊採香年華楊柳色春信苧蘿鄉響屨非初  
志負薪秉義方知心惟鄭旦小字似夷光記得機絲候迎

陳孝女遺集

卷下

七

來姊妹行浣紗磯石冷擣素月痕涼急杵臨風起繁磬引  
韻長力微嬌喘弱顰蹙捧心常奚翅藏筐女無殊濯錦娘  
東鄰休效美西浙忽圖強烏喙謀深策蛾眉壓眾芳金錢  
看許飽歌舞教應良陪媵范蠡送成行伯詔商館娃開寶  
殿之子曳霓裳脂粉邀人傳笙簧徹夜忙伍胥窮諫果歐  
冶鑄干將勾踐猶嘗膽夫椒自色荒廿年爭屈璧一戰失  
餘艘臺旣遊麋鹿情當殉鳳鴛沉江全妾義蒙面爲君傷  
舸莫鴟夷誤牌曾鳳字彰詩家風雨夢史筆是非場疑案  
論千古傳神出七薌嬌姿窳樸質美目尙清揚豔影驚流  
水紗光漾夕陽筇無漂母飯竹是女兒箱素柰開爭媚黃

花醉不妨白描吳道子妙畫顧長康

暮秋借弟妹聯句

秋色蒼然至芸 西山斜日移梧桐飛敗葉鏘 菡萏剩枯枝

客燕辭巢急鏘 賓鴻入塞遲風清桂子窟芸 霜老豈花籬

蟬寂蛩聲起鏘 鴉寒蝶影疲兼葭凝露候葑 砧杵擣衣時

乞巧消殘線芸 題糕落接離商飈吹颯颯鏘 山骨瘦巖巖

衰草黃千里葑 銀河白一絲天空雲淡蕩芸 木脫野迷離

壁月昨宵冷鏘 蘆花何處悲鄉心應瑣碎葑 羈夢總分歧

遙想蓴鱸美芸 尤饒筍菜奇閩江香橘柚鏘 燕市熟菘葵

鳳闕丹楓豔葑 龍樓禿柳垂棲鳥思反哺芸 呼雁訂歸期

陳孝文遺集

卷下

八

採菊憑欄望鏘 紉蘭結佩宜登高休作賦葑 掃石且敲棋

搖落桓温樹芸 蕭森杜甫詩萸囊閒旅况鏘 萊彩幸兒嬉

棗栗皆甘旨葑 參苓蓄木著延年懷酈水芸 獻壽貧商芝

桑落重陽酒鏘 松醪千歲卮一家歡會處葑 佳景樂怡怡

芸

花朝日偕葑妹遊萬牲園用光威哀韻

二月東風春已半百花生日徑開三芸 裙腰細草桃枝扇

金縷垂楊杏子衫葑 淑氣要從鶯喚轉香泥正待燕歸銜

鬪茶女似左芬妹蹴鞠人疑崇嘏男葑 撲蝶風光原只

此踏青時節可無慚芸 桑陰綴簇蠶眼熟竹裏鈎朝鳥語

喃葑鸞珮閒敲鸚鵡玉鴉鬟新製鳳凰簪芸萌芽芍藥籠

煙活墜架薔薇宿雨含葑大地雪消麋鹿出小池水煖雁

鳧芸語苔生巖石韶光嫩樹繞樓欄翠色參葑瘦鶴立殘

荷沿碧怒犀噴激醴泉甘芸幽風七月誰相問我欲論詩

誦二南葑

五律

端午

甬上逢重午寒威尙未降騷休迫屈子地自近娥江報賽

虛簫鼓懸蒲逗牖窗客中歡慶處艾酒熟春缸

絡緯

陳孝女遺集

卷下

九

絡緯催機急連宵軋軋聲有人猶未寐對汝總關情金井

輓轆轉荒村砧杵鳴看絲不成匹空自坐天明

隨葑兩大人龍華寺觀桃花

幾樹山桃發傳爲海上春流鶯齊出谷寶馬逐飛塵鹿苑

空中色龍華會上人如何官道柳終日只含顰

隨葑薔薇

滿架厭彤雲爛斑錦繡紋日高春氣煖院靜暗香聞翠蔓

迷鶯語濃花護蝶羣幾疑飛燕舞擊碎石榴裙

隨葑家慈葑姨母宴蒙泉山館

把酒獻慈顏人生好是閒疏泉通白水老樹認烏山風味

家園樂星霜客路艱何如一樽裏骨肉話團圓

雨花臺

莫問長千里荒山對夕陽斷煙消塔影花雨散天香舊蹟  
餘頑石殘灰記戰場登臺遙望處惟覺海天長

羊城食荔枝作

雖是嶺南荔無殊閩產時紅苞含瘦核玉骨裹水肌佳味  
饒酥蜜清芬沁肺脾東坡三百顆日啖未爲奇

醫隱園偕菘妹玩月口占

共坐小園靜長空月有陰春寒猶料峭夜漏已深沉世事  
看花眼評詩感舊心玉階齊不寐清露濕羅襟

陳孝女遺集

卷下

十

再過萬牲園用杜工部重遊何將軍山林韻五首  
草木土衡疏禽經師曠書飛潛憑造物天地是蘧廬覺夢  
蕉藏鹿忘機我亦魚安能逃暑去猿鶴共安居

此卽幽風景菱舟逐水移堂深遲燕子林密護鶯兒楊柳  
珍珠泊芙蕖細草陂有人觀瀑布只隔槿花籬

四面朱樓敞清風拂檻時茗香天上味花韻畫中詩斜照  
籠千樹西山露一絲紅塵聊極目雲鳥拓襟期

稼穡艱難處田家風味長稻村飄酒旆瓦鼎品茶槍綠葉  
華林柿黃雲冀野梁誰真知帝力擊壤頌軒皇

猶剩春暉意孝思憶去年雙停仙鶴御高激水犀泉甃座

排仙仗行厨獻玉田只今惟老柳和月一悽然

雪

雪裏朔風嚴天寒碎玉添黨姬茶當酒謝女絮勝鹽梅萼  
紛無影蘆花撲入簾明朝新霽好冰筋掛層檐

代 家慈題畫一首

新燕差池舞藤花一樹高畫梁空玳瑁春色有葡萄紫豔  
垂纓絡紅襟快剪刀玉真娘去後留下錦絲條  
毛羽爛斑候琅玕翠色低蕭蕭疑暮雨滑滑滯春泥蟻陣  
臨風罷龍孫拂月齊婆娑清影裏奚翅鳳凰棲

隨 兩大人登居庸關

陳孝女遺集

卷下

十一

百二秦關在燕丹事若何九邊連朔漠一綫下渾河土木  
也先壘黃花勅勒歌只今餘夕照來去送明駝

七律

暮春

暮春時節草芊緜倏忽陰晴態萬千滿院落花蝴蝶夢一  
簾細雨鷓鴣天荼薇香逗朦朧月柳絮光籠淡淡煙更有  
笙簧晝夜奏啼鶯纔歇又啼鶯

落花二首

五更愁雨與愁風斷送韶光一夕中燕子重來啼嫩綠馬  
蹄歸去踏殘紅人生天壽眞塵夢世事繁華類轉蓬杜宇

淚乾蝴蝶瘦誰知俱是可憐蟲

芳事空時靜掩門一庭細草伴黃昏滿階狼籍猶飛舞何處鶉聲爲斷魂縱有餘香存豔骨可憐落葉到歸根催開不及催殘易算是東風造化恩

隨 兩大人遊月湖謁賀監祠作呈 伯舅

辭老抽簪高尙賢鏡湖一曲得歸田如船騎馬稱工部貰酒金龜醉謫仙故里黃冠肥遯好入宮禍水見機先四明狂客風流甚猶博叢祠香火傳

秋柳

絲絲搖落復凋殘顏色蒼黃葉半乾堤上馬嘶衰草渡樓

陳孝女遺集

卷下

十二

頭人倚夕陽欄不堪憔悴臨風禿猶自婆婆弄月寒莫問永豐西角樹秋煙秋雨總漫漫

歸里呈 姨母

幾年離別此歸家喜見萱靈姊妹花雲漢新秋蟾影淡弟兄中表雁行斜論詩先數宮閨典話舊應教學識加願買繡絲當脩脯絳帷容坐女侯芭

山茶

東風拂檻日光微豔豔春枝露未晞茶薜吹噓嬌左女花顏宛轉醉楊妃漢宮妝膩臙脂冷赤玉盤成琥珀肥何事耐寒高格調也同桃杏鬥芳菲

秦淮聞歌

女牆明月影婆娑  
入夜遙聞隔岸歌  
急調曼聲催落葉  
哀絲豪竹送微波  
漫傾俗耳箏琵琶  
樂始信人情酒肉多  
我獨盛衰憶六代  
後庭玉樹竟如何

壽

兩大人五十雙慶

敬隨弟妹拜尊前  
願祝翁娘福壽綿  
三日纔過浴佛節  
雙聲合奏壽人篇  
禮稱艾歲雖五十  
慶洽椿齡是八千  
何必霓裳高處詠  
全家同作地行仙

粵城新春水仙菊花海棠牡丹並開梅花轉成零

落戲紀一詩

陳孝女遺集

卷下

十一

年年吳越度春時  
不及羊城氣候奇  
屈子騷邀陶令醉  
放翁畫配謫仙詩  
託根果克依風土  
造物何曾判早遲  
倘輯春秋紀交廣  
生花有筆可相宜

都中寄

姨母

坤闈拜別倏三年  
今已全家又入燕  
慈母病多藥餌急  
嚴君官小俸錢慳  
零星薪米皆如玉  
連日風塵欲蔽天  
莫怪深閨疏筆墨  
茶爐茗碗廢詩篇

花塚

尺許殘碑土一坵  
野花瘦草伴桐楸  
鴛鴦羅綺終紅落  
鸚鵡文章孰白頭  
香國有天皆利利  
夜臺無地可埋憂  
紙灰

蝴蝶椒漿淚一曲長歌明月秋

紫丁香四首

嬾嬾婷婷賦豔裝  
丁娘初試紫衣裳  
檀槽斜綰同心結  
綬帶濃薰百和香  
金谷酒樽張步障  
謝家棋局賭羅囊  
鴉頭花面君休笑  
合向東風伴海棠

細瓣柔莖的皜多  
紫霞扶影舞婆娑  
宸班連日封泥誥  
薇省因風動玉珂  
叱撥無聲金作勒  
鴛鴦有夢錦爲窠  
珍珠簾軟花光小  
簇簇嬌憨柰爾何

芳時惻惻滯春寒  
山紫屏圍丁字欄  
碎擣麝臍香未滅  
笑含雞舌露初乾  
數花並蒂田荆樹  
千瓣平頭魏牡丹  
想是

陳孝女遺集

卷下

十四

東來佳氣好玲瓏  
夕照耐人看

蓬萊新渡紫姑仙  
點點瓊霜浥露鮮  
沉水郁蒸春旖旎  
綃衣閒舞月翩躚  
狂言縱使雲能乞  
豔骨休教玉化烟  
分付膽瓶深護惜  
幽閨珠箔雨餘天

都中懷古五首

五坡軍散事全非  
取義成仁幸庶幾  
正氣歌留臣節在  
教忠坊聽血痕飛  
崖山塊肉風濤遠  
燕市椒漿香火微  
偏是吉州歸葬日  
鳧雛傍母尚依依

文忠祠

勢窮力竭氣憑陵  
賈卜猶言忠孝能  
柴市英靈追相國  
西臺如意哭良朋  
法源寺近隣幽寂  
却聘書成感廢興  
合把

娥碑鐫壁上廉頑立懦好師承謝文節祠

根本京師莫動搖薊邱一戰退天驕衣冠東市真塗炭鐘

鼓西宮又早朝國事艱難謀骨肉故居風雨尙飄瀟鄂王

未竟偏安局望斷徽欽道路遙于忠肅祠

五更草疏起朝天十罪鋤奸意獨堅蛇膽何如浩氣壯鸞

刀自割腐筋鮮煩冤附會督師案代死悲鳴內閫賢留得

松筠遺蹟在柏臺絮酒薦年年楊忠愍祠

兵機白桿穆清風顏色桃花馬上紅仗劍來朝巖部曲戰

袍拜賜謝宸聰鳳城柳憶連營暮蟬鬢人歸繡帳空錦繡

高涼相媲美千秋兒女兩孤忠秦良玉祠

陳孝女遺集

卷下

十五

五絕

新月

新月照簾帷清光些子兒鄰家小阿妹偷學畫蛾眉

題尋梅圖

天陰雪如絮蹇驢自來去不識灞橋頭寒梅開幾樹

義婦塚

詞調祝英臺樂府華山畿壤衰化蛺蝶猶逐春風飛

孝子祠

奉母慈溪水祠宇報蒸嘗孝思終不匱猶有童八娘

觀織

絹素復綾繒人無凍瘡憎女工首蠶織端合祀西陵  
十 閩雁

銀河掛碧霄月黑雁聲遙莫作平沙弄瑤琴尾亦焦

清涼山晚眺

折屐聞謝傅爭墩笑半山龍蟠虎踞外何處秣陵關  
寂寞長千里蕭條朱雀航莫愁湖水上閒煞鬱金堂

桂花髻圍

金粟如來化牟尼一串長髻鬢誰品就參徹木樨香

香港

山勢跨鰲背波光擁蜃樓一家胡越好只有夕陽愁

陳孝女遺集

卷下

十六

光孝寺

試問尉陀臺奚若任囂墓荒寺無古今秋聲滿高樹

天津

秋盡入津沽堤旁官柳枯夜看星析木知是近京都

隨 兩大人聽王玉峯三絃口占呈 家嚴

從來傳樂師其目多雙瞽如何舜重瞳南薰自千古

入夜

入夜人聲靜駝鈴似木鐸缺月一痕斜木樨花初落

七絕

秋光

秋光人靜夜微涼  
文王首戴綠  
合賦西刻

秋光如洗淨雲烟一色微波淡遠天十里蘆花千里月詩  
情畫意共澄鮮

蟋蟀

紅頭紫與白牙青珍重平章促織經貯汝金籠似金屋空  
階絡緯付誰聽

天封塔

廢刹荒涼剩數弓猶餘一塔夕陽中育王舍利空浮影對  
看江流出甬東

天一閣

叢殘零落劫灰餘傑閣盤空辟蠹魚倘使五車容借讀吳

陳孝女遺集

卷下

七

鸞合作女傭書

婉娈班諸姊招余偕菘妹宴虹口徐園席上偶占

賭酒聲中鬥韻喧不知窗外日黃昏傍人倘識天倫樂此

地宜書桃李園

病瘧

自家冷煖自家嘗凍似寒水熱沸湯頃刻一身分兩境奚  
論人世有炎涼

病愈聞

姨母論女事作四首

數首能傳畫法新學書爭拜衛夫人後來三祖兼三體都  
似東施作效顰

葩經三百首睚鳩敦厚溫柔出女流味到詩家三昧處陰  
何沈謝轉輕浮

大家一賦紀東征班女東宮綠草生猶有左芬工頌誅足  
方枚馬擅西京  
娟女臨津激渡河贖刑官婢語無多文章至性關毛裏自  
勝鼻魚風木歌

新燕  
差池上下影輕捎銜得香泥補舊巢偏是斜陽簾未捲雙  
雙飛上海棠梢

陳孝女遺集

卷下

六

吟臺光祿已成塵剩有枯松未化薪風捲濤聲山半落如  
聞桴鼓拜夫人

金陵車中望鐘山殘雪

兀兀鐘山白玉鋪女墻迴合樹枝枯鈿車惜乏倪迂筆來  
寫金陵霽雪圖

槎班兩姊招遊吳園觀牡丹作

秦淮艇子木蘭歌春水初生漾綠波襯着牡丹好顏色綺  
羅光暎夕陽多

上海七夕會偶成

新月半規海上生金風玉露夜無聲不知何處駟車度空

望銀灣坐到明

寄 姨母

一別家山又入秋  
今聞將入粵州遊  
遙思紗幔談經暇  
或有新詩憶女不

海中觀日

站站金烏出海東  
雲霞萬頃墜波紅  
輕舟似繞扶桑去  
人在琉璃世界中

人日隨 兩大人遊花球

莫論雁後與花前  
秋菊春蘭態極妍  
如此花光足遊賞  
不須遺跡問花田

陳孝女遺集

卷下

十九

荔枝灣呈 家慈二首

荔枝隔岸護菰蒲  
小艇人來入畫圖  
配着遠山凝碧裏  
恍疑身在小西湖

吾儕生小荔枝鄉  
舊譜曾聞有蔡襄  
何意今朝作消暑  
火雲灣裏擊瓊漿

上海

海上重經第五遭  
洋涇濱畔更啾嘈  
西風吹盡堤邊柳  
刺見冬青一樹高

天津旅邸題壁

迢遞關山行路難  
白河衰柳已凋殘  
誰知逆旅風霜緊  
檢

點征裘尙覺寒

隨宋兩大人遊天寧寺

梵王舊剎鳳城西  
春草初生野鳥啼  
開遍海棠無客到  
塔鈴風颭夕陽低

寄班姊金陵二首

舊年相聚在秦淮  
今日來觀郭隗臺  
北轍南轅遊已遍  
研京愧乏左思才  
君能說劍有雄心  
謂我詞章感慨深  
今日暮雲春樹外  
愛而不見一沾襟

賓宴樓觀珠寶口占呈家大人

陳孝女遺集

卷下

三

砥砩美玉雜搜羅  
魚目珍珠索價多  
愧乏千金享敝帚  
不堪得寶發高歌

景山鬱鬱數株松  
別有滄桑意萬重  
莫向田妃墓上問  
國

君社稷義從容

朔雪

連朝朔雪白漫漫  
萬姓無聲咽淚寒  
莫作人間生死感  
母

慈子孝事艱難

種菜

蕪菁菜菔數畦長  
當作栽花課稻場  
趁着朝昏勤灌溉  
貧

居要藉作秋糧

所居窗外一櫺一槐大皆連抱榆空心多蟲為秋

風所折遂拔而棄之將及槐予以槐陰婆娑夏

日足資清蔭亟請 家大人止之因作留槐詩

呈 家大人

櫺槐俱是百年材櫺去槐留已可哀要與綠窗銷夏好曉

風涼月護蒼苔

詩餘

十六字令 蘭

蘭空谷無人玉露寒攜琴坐香味蕪沉檀

陳孝文遺集 卷下

三

一點春

手盥茶薇露胸簪茉莉球妝成對鏡凝眸覷難掃眉端兩

道愁

憶江南 家大人食西施舌命賦

西施舌風味勝鱸蝦俊比蛤蜊談許事嫩如海月自揚葩

鹽豉莫輕加

調笑令 雨後見月

花影花影畫出一簾烟景開簾試望春庭不意今宵月明

明月明月向晚雨聲初歇

前調 柳

楊柳楊柳嫩色鶯黃如酒春光漏洩絲絲不管人間別離  
離別離別寄語離人休折

如夢令

幾日陰晴寒燠滿地落花枯槁狼藉不成春春緒亂如春  
草煩惱煩惱欲倩柳絲輕掃

醉太平

風聲雨聲羅幃夢醒燈光微颺銀屏盼紗窗未明更籌  
五更荒雞乍鳴海棠初放關情幸明朝早晴

醉花間

休貪飲却貪飲貪飲便思寢風捲落花多正合爲衾枕

沈酣香國夢歷盡甜鄉境黃鸝樹上鳴纔可惺忪醒

浣溪沙

春暮溪流帶落花柳陰深處有漁叉歌樓夾岸繡簾遮  
六代豪華隨逝水那堪折戟認沉沙女墻又見夕陽斜

前調

鸚鵡簾櫳牡蠣墻素馨花裏晚風涼剖開椰子飲瓊漿  
半面琵琶喧瞽女數聲蠟屐走珠孃檳榔密浸荔枝香

卜算子

一架白霓裳春暮飄香雪倚遍闌干近玉肌忽見玲瓏月  
花事已闌珊合與瑤姬約願得偕騎白鳳飛盡採瓊英

嚼

菩薩蠻 將由海上赴粵寄槎班兩姊

桂花零落黃花發長江水淺沙堤濶遙望秣陵關江南無

數山 同心不相聚又復天涯去從此海天雲相思勞夢

魂

前調 香

層樓迴合人聲急海波盪漾玻璃碧合作沃洲看鈿車盤

上山 登高望落日感慨蒼茫立何處問蓬萊麻姑書信

來

前調 初

陳孝女遺集 卷下

杜鵑啼徹花無主曉鐘偏促春歸去婪尾一枝香枇杷鵝

色黃 回看新柳碧雨片風絲急不是芭蕉聲蕭蕭荷葉

鳴

憶秦娥 海中觀日出

迴瀾紫火珠捧出蛟宮裏蛟宮裏驪龍夢醒羲和鞭起

丹砂百鍊雲霞綺遙天五色玻璃美玻璃美朱輪搖漾扶

桑千里

前調 題陳王烈婦墜樓事畧後

雲冥冥貞娥望斷青楓林青楓林高樓百尺絃絕瑤琴

桐棺千里遙歸閩可憐金谷花光沉花光沉綠珠往矣願

步前塵

醉花陰

用漱玉韻

一樹寒蟬催白晝煙篆飄香獸簾幙下銀鈎簷鐵丁丁微  
覺西風透 病來竟落荷花後腕弱擎羅袖攬鏡欲梳粧  
不道眉痕已越秋山瘦

鷓鴣天

寄姨母

不見盧姨尺一書故鄉烟景近何如花前已自聞鴻雁海  
上無由釣鯉魚 情宛轉意躊躇離深故舊似生疎昨宵  
夢侍紗窗立猶有詩篇教女無

臨江仙

義婦塚

陳孝女遺集

卷下

三

古寺靈旗寥寂孤墳短碣荒寒草痕未綠野花殘紙錢灰  
裏蝴蝶攪成團 試問讀書何事死生只博幽歡木蘭歸  
去解征鞍雄雌雙兔火伴且驚嘆

鵲橋仙

七夕

明河一綫駟車何處涼透中庭風露鴛鴦機盒巧安排望  
不見鵲橋飛渡 參橫斗轉雙星如故那有仙緣憑據半  
邊弦月已西沉只剩箇流螢暗度

蝶戀花

掃葉樓題壁

兀兀層樓扶碧樹落葉無聞只有颿風絮下望石頭誇虎  
踞當年曾挂降幡處 燕子歸來雙翦舞玳瑁梁空况值

春風去拍遍闌干誰弔古莫愁湖上流鶯語

蘇幕遮 梅

綴瓊枝扶瘦影玉骨冰肌縞袂臨風整跨鶴人來塵夢醒  
陣陣幽香苦月圓如餅甚孤山和庾嶺一角寒窗領畧  
羅浮景小立哦詩霜露冷絮雪梨雲得句推敲永

喝火令 閨花

撲蝶情如舊觀蠶事未遥百花復旦是今朝恰好者香烟  
景添箇綠楊條拾翠思前約尋芳又見招踏青鞋子繡  
重挑一樣香車一樣聽餽簫一樣護花鈴索挂在海棠飄

行香子 後湖

陳孝女遺集 卷下

五

細草芊芊碧葉田田更波光搖漾晴天六朝舊事如夢如  
烟剩鐘山松臺城柳後湖蓮莫問詩篇懶展吟箋聽菱  
歌遙和鳴蟬玲瓏宛轉微顫釵鈿是數聲肉數聲竹數聲  
絃

碧牡丹

洛陽有人寄到白牡丹數盆  
視之已零落殆盡因感賦此

淑景忙于箭一霎豪華變白鳳飛來擬入謝家庭院不意  
東風碎畫羅袞練零星空賸殘片韶光賤倏忽成泡電  
名花竟如人面綠葉婆娑怎奈玉容難見粉墜香消問素  
期誰遣傷心簾外新燕

柳腰輕 柳新

東風幾日吹楊柳釀春色鵝黃酒醉眸初醒細腰輕擺望  
去疑無疑有又疑是碧玉華年露盈盈眉痕清秀正近  
清明氣候度芳堤玲瓏如繡密垂羅幌豔歌金縷總帶三  
分消瘦弄斜照嫋娜姿生惱行人關心回首

滿江紅

舟中望金焦二山

滾滾江流高聳起魚龍背脊風濤裏地天開闢銀漢鑿通  
混沌竅晶盤排列玲瓏石襯林花寶塔似釵環雙鬢碧  
留玉帶何須惜銘瘞鶴空陳跡想層樓飛閣已殊今昔急  
浪弗摧秋草暮危巔猶挂斜陽夕更瓜洲星火映蘆灘聞  
漁笛

陳孝女遺集

卷下

三

前調又一體隨兩  
大人登陶然亭

春暮江亭憑闌望山容皆綠微風起柳條飛絮榆錢飄玉  
葦屋幾家連睥睨梵鐘一杵消塵俗况稻梁葉短荻蘆肥  
櫻桃熟客中景眼前福故鄉思愁懷觸奈海天千里羈  
棲遊躅作客可憐王粲賦世人總誤曹郊粟聽子規樹杪  
數聲啼鳳城轟

紅情惜莊妹遊萬性園觀牡丹

暮春天氣看嫣紅姹紫風光明媚脂暈粉香疑是唐宮鬢  
羅綺誰譜清平絕調寫傾國傾城人醉正舞罷三疊霓裳  
含笑玉闌倚專美竟如彼算富貴風流不同桃李韶華

旖旎搖曳花魂夕陽裏安得金鈴十萬圍錦障護持周至  
却使我空伫立爲花着意

念奴嬌

火爐

不因人熱煖烘烘做出溫和天氣門外霜深風怒吼斗室  
儼如春至圍坐持觴敲冰煮茗別有閒滋味丹心相向此  
中無限情致時把樽榼輕添香篝斜倚笑看梅花蕊傍  
榻頻頻燃活火免使嚴寒侵被葭琯灰沉陰陽炭熾又聽  
茶笙沸炎薰如此對燈奚礙遲寐

齊天樂

春寒

柳慵花鞞芳菲候春寒忽然如許夕照光沉浮陰暈薄疑

陳孝女遺集

卷下

七

有三分風雨斑鳩獨語更遙和雞聲燕鶯無主惻惻羅衫  
啟箱重復換輕絮 錫簫喧雜社鼓賣花曲巷冷澀紅腔  
凝佇寶硯將冰薰爐復熱怕凍簾前鸚鵡關心細數念桃  
萼將殘海棠遲吐悵望憑闌却看芳草暮

中興

聽唱桃花扇傳奇

蓮香香齋詩話

笑桃花一枝歌扇南朝遺事如許衣冠傀儡興亡恨都付  
舞臺兒女誰部署算只有東風姊妹花眉嫵秦淮暮雨竟  
樓啟迷香人來復社戟指却奩語 江南路瞬息繁華易  
主春燈燕子何苦梅花嶺上蟲沙陣奚似美人仙侶卿憶  
否空剩得玉京相伴黃縞去移宮換羽縱擲笛魁官琵琶

頓老亦復感今古

陳孝女遺集

卷下

三

頓老亦復感今古

08178

08180

